



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

Len

N 102

1999

# ԱՆՄԵՂԻ ՏՈՊՐԱԿԸ



ՄԱՐԵԻԵԼԵԱՆ ԶՐՈՅՑ

Թ. Ա. Բ. Գ. Մ.

ԵՐԿՐԱՆԴԱՅ ԼԱԼԱՅԵԱՆՑ

Լեռ  
102

**ԹԻՖԼԻՍ**

ՏՊԱՐԱՆ ՄՈՂՈՎ Գ.ԱՐԲՆԱՆՑՆԵՑ ԵՒ ԸՆԿ.

1881



# ԱՆՄԷՊԻ ՏՈՊՐԱԿԸ

ԱՐԵՒԵԼԵԱՆ ԶՐՈՅՑ

Թ Ա Ր Գ Մ .

ԵՐՈՒԱՆՎԱՅ ԼԱՆԱՅԵԱՆՉ

1678.



ԹԻՖԼԻՍ

ՏՊԱՐԱՆ ՄՈՎՍ. ՎԱՐՎԱՆԵԱՆՆԵՑ ԵՒ ԸՅՐ

1881



Дозволено Цензур. Тифлисъ. 15 Май 1881 г.

206

Կը ձօնեմ այս իմ եղբայրակից  
Հայ պատանիներին, յորդորե-  
լով, որ նորա եւս, ԱՏՄԷՂԻ նման,  
աշխատեն լցնել իւրեանց տուրք-  
կը պիտանի իրերով:



Тип. М. Варганиянъ и К°, Троиц. пер. д. № 11

4 102 - 60

38. 107

ԱՆՄԷՆԻ ՏՈՊՐԱԿԸ

ԱՐԵՒԵԼԵԱՆ ՉՐՈՅՑ



Մի տօնափաճառի օր, Բաղդադ քաղաքի վաճառանոցում, Ժողովրդի խառն բազմութեան մէջ երեւեցաւ մէկ մարդ, որ գրաւեց ընդհանուր ուշագրութիւն:

Նորա հանդերձը չափազանց հարուստ էր ու շքեղ. բայց զարմանալին այն էր, որ նորա ձախ կողքից կախ էր արած մի հասարակ մոխրագոյն տոպրակ, իսկ աջ կողքից—մի կաշուի քսակ՝ ոսկուով լիքն:

Այս մարդը, որ վաճառանոցի մէջ ո՛չ ոքի ծանօթ չէր, մի վսեմաշուք ու աղ-գու կերպարանք ունէր:

Կրպակներից մինի առաջ կանգ առած՝

երկար մտածում էր նա. վերջապէս մտ  
գնաց, ընտրեց մի ամենափափուկ գորգ,  
գնեց եւ հրամայեց ծախել: Վաճառակա-  
նը կատարելով գնորդի ցանկութիւնը,  
զարմանում էր թէ ինչպէս նա, այնքան  
հարուստ ու շքեղազգեստ մարդն, ա-  
ռանց ծառայի էր եկել վաճառանոց ի-  
րեր գնելու, եւ առաջարկեց ուղարկել  
գորգը նորատուն իւր ծառաների ձեռքով:

— Ո՛չ, հարկաւոր չէ, — պատասխանեց  
գնորդը, վրձարելով նորան փայլուն ոսկէ  
գրամներ, — ես ինքրս էլ կը տանեմ:

Ասաց եւ ծալած մեծադիր գորգն ա-  
ռաւ ձգեց տոպրակի մէջ: Յետոյ անփոյթ  
առնելով իւր բեռի ծանրութիւնը եւ շր-  
ջապատողների զարմանքը՝ գլուխ տուաւ  
վաճառականին ու յառաջ անցաւ:

Որչափ առաջ էր գնում վաճառանոցի  
շարքերով՝ այնչափ աւելի էր ցանկանում  
ձեռք բերել ամեն տեսակ իրեր: Սկզբում  
գնեց ու տոպրակը ձգեց տասներկու

սրուակ վարդի իւղ. քիչ առաջ գնաց՝ այն-  
տեղ էլ գնեց տասն ֆունտ ամենալաւ ծխա-  
խոտ եւ մի ամենագեղեցիկ սաթէ ծխա-  
քար: Գոցա վերայից անփութութեամբ  
ներս ձգեց մի փայտեայ սեւ ծանր արկղ:

Արդէն շատերը նկատել էին անծանո-  
թին եւ հետաքրքրութեամբ նայում էին  
նորան: Մի շատ յարգելի մարդ երկար  
զննում էր այդ օտարոտի գնորդին, եւ  
երբ տեսաւ որ նա մտաւ վաճառանոցի  
ամենահեռաւոր խորքը, որտեղ ծախվում  
էին աւելի թանկագին իրեր, եւ սկսաւ  
գնել մարգարիտ, մի քանի տակառ լա-  
ւագոյն սուրճ, կծիկ կծիկ մետաքսեայ  
թել, ձուկն, մատանիներ, ապարանջան-  
ներ, ժամացոյցներ, թամբեր, ադամանդ-  
ներ, տեղաւորելով այս բոլորը տոպրակի  
մէջ, այն ժամանակ նորան հետեւող ամի-  
րապետը, որ էր Բաղդադի կառավարիչը,  
էլ չհամրերեց եւ ասաց.

«Շատ հրաշքներ եմ տեսել ես կեան-

քիս մէջ՝ բայց երգւում եմ մարգարէի մօրուքով որ դու ինձ զարմացնում ես: Ես ահա՛ շարունակ նայում էի, եւ մրտածում եմ, թէ ի՞նչպէս է որ քո այս տոպրակը դեռ չէ պատուել: Ի՞նչպէս ոյժդ պատում է կրել նորան: Ի՞նչ պէտք է անես, եթէ քեզ հարկաւորի հանել մինն այն հազարաւոր իրերից, որ այդ տոպրակի մէջն ածեցիր: Ի՞նչպէս պիտի գտնես . . . Եւ ի՞նչ դրութեան մէջ կը լինին այդ տոպրակի մէջ այն քնքոյշ մարգարիտները, որ կը ցանկայի գնել դատերս Զիւլիէի համար, բայց չկարողացայ որովհետեւ շատ թանգ էին. . . :

Ահմէդը (այսպէս էր անուանւում անձանօթը) լսելով ամիրապետի խօսքերը՝ ձեռքերը դրեց կրծքին եւ խոնարհաբար գլուխ տալով ասաց.

— Ահ, այս դ՞ու ես, պատուելի ծերունի, ես իսկոյն ճանաչեցի քեզ քո պատկերից, որ գաւընւում է տոպրակիս մէջ:

Երբ որ ես Ֆրանգիտանումն \*) էի՝ այն ընծայեց ինձ մի նկարիչ:

Այս ասաց եւ արագութեամբ ձեռքը կոխեց տոպրակի մէջ, դուրս հանեց երկու մեծ շարոց մարգարիտներ եւ տուաւ ամիրապետին:

— Ինչ որ պատկանում է ծառայիդ, քեզ է պատկանում, ասաց նա: Ենձոր հարա՛ն այս շարոցը եւ թո՛ղ կրէ քո կինը: Ես գորանով չեմ աղքատանալ, հանգարտութեամբ աւելացրեց նա:

Ամիրապետը Ահմէդի քաղցրալիբ խօսքերը հաճութեամբ լսեց ու առաւ մարգարիտները, մեծապէս զարմանալով իւր խօսակցի հարստութեան եւ ճարպիկութեան վերայ:

«Նստե՛ք այս աղբիւրակի մօտ» — ասաց

---

\*) Այսպէս են կոչում Արևելքում Եւրոպան:



Ահմէդը, — ես կը պատմեմ քեզ իմ եւ իմ տոպրակի մասին: »

Այս ասելով նա փռեց փափուկ գորգը, տոպրակից հանեց ծխաքարշը, լըցրեց եւ տուաւ ամիրապետին: Յետոյ երկուսն էլ ծալապատիկ նստեցան, ինչպէս նստում էին նախկին մարդիկը, եւ ինչպէս մինչեւ այս օր էլ նստում են Արեւելքում, որտեղ աթուռներ քիչ են գործածւում:

Ահմէդըն սկսաւ իր պատմութիւնը.

«Նս մի աղքատ մարդու որդի եմ, եւ կարծես ծննդեանս բոպէին դատապարտուած էի աղքատութեան, բայց մի բարի հոգի որ կանգնած էր օրօրոցիս մօտ, աղատեց ինձ: Նա տուաւ ինձ այս տոպրակը եւ այս քսակը:

«Մեծացիր, ասաց նա ինձ, Ահմէդ, եւ ուշի ուշով նայիր շուրջդ գտնուող բոլոր առարկաների վերայ: Ընտրիր եւ գնիր ամենայն ինչ, որ քեզ դուր կը գայ

եւ վճարիր իմ քսակից, որ երբէք չի դադարիլուիլ. — իսկ գնուած իրերը ածած այս տոպրակի մէջ, նա երբէք չի լցուիլ: Բայց նայիր, դորա մէջ ածած միմիայն թանկագին առարկաներ. այն ժամանակ միայն նոցա ծանրութիւնը քեզ չի յոգնեցնիլ: »

— Նորա խօսքերը կատարուեցան: Նս կրում եմ այս տոպրակիս մէջ աւելի քան թէ նա խոստացաւ. սորա մէջ անվնաս պահպանւում է այն ամենը, ինչ որ կեանքիս մէջ որ եւ է ժամանակ սիրել եմ, կամ երբ եւ իցէ ունեցել: Նւ երեւակայիր որ բոլորն էլ այստեղ է առ ձեռն պատրաստ . . .

— Յանկանում ես տեսնել այն առաջին սուրն, որ հայրս սովորեցրեց ինձ գործ ածել: Ահա նա, նայիր: — Նա արագութեամբ հանեց սուրը տոպրակի խորքից: — Սա բոլորովին հասարակ, անզարգ է, բայց սորա ծուռ երախիկը այժմ էլ փայլում է այնպէս, ինչպէս ա-

ուջինն օրըն՝ երբ ինձ տուին նորան, — եւ այս ուրախացնում է իմ ծերացած սիրտը: Դու կամենում ես տեսնել այն Սուրբ Գիրքն՝ որի վրայ կարգալ եւ մտածել սուփորեցրեց ինձ բարեպաշտ Աբղուլլահն: Նայիր՝ ինչ պայծառ են այս քրնքոյշ—ծիրանեգոյն տառերը՝ ինչպէս շողշողում են այս ոսկեղարգ ծաղկագրերը:

— Յանկանում ես լսել այն երգն՝ որ յաճախ երգում էր կինս, երբ նշանած էր ինձ, շարունակեց Ահմէդը՝ եւ տոպրակի խորքից, կարծես մի հեռու տեղից սկսաւ հնչուիլ մի զմայլեցուցիչ քաղցրալուր մեղեդի:

Երկու խօսակիցները նստած էին լուռ եւ սաստիկ յուզուած:

«Ինձ թւում է թէ այստեղ վարդի հոտ է բուրում, — ընդհատեց լուսթիւնն Ամիրապետը: — Իմ բարեկամ, քո վարդի իւրի սրուակներից մինը կոտրուած չլինի»:

Դու այնպէս անփութութեամբ ածեցիր նոցաքո զարմանալի անյատակ տոպրակի մէջ:

— Ո՛չ, պատասխանեց Ահմէդը դողդոջուն ձայնով, իմ բոլոր սրուակներն անվնաս են. բայց դու էլ չես սխալվում, այստեղ յիրաւի վարդի հոտ է բուրում. վասն զի միշտ ծաղիկների հոտը կցորդ է այս հին երգին: Ահա նշանածիս ինձ պարգեւած ծաղկափունջը. նայիր, նորա միջի վարդերը չեն թառամել մինչեւ հիմայ:

Նա ցոյց տուաւ փունջը ամիրապետին եւ յետոյ նորէն դրաւ տոպրակի մէջ:

— Զարմանալի է եւ չափազանց օտարոտի, ասաց ամիրապետը՝ շարունակիւր պատմութիւնդ, իմ բարեկամ:

«Իմ պատմութիւնս երկար չի տեւիլ, — պատասխանեց Ահմէդը: — Դու այսօր զարմանում էիր՝ որ ես վաճառանոցում այնպէս հապճեպով ժողովում էի զանազան

իրեր. բայց ինչպէս մեծ պէտք է լինէր քո  
 զարմանքն, եթէ տեսնէիր ինձ դեռահաս  
 ժամանակս, երբ ամբողջ աշխարհն երե-  
 ւում էր ինձ աւելի պայծառ գոյներով. երբ  
 հազարաւոր իրեր գրաւում էին ուշա-  
 դրութիւնս եւ իմ ձեռքս համարեա ան-  
 դադար քսակից տոպրակըն էր մտնում,  
 տոպրակից քսակը . . .

Ի՞նչ պէտք է ասէիր դու, եթէ տեսած  
 լինէիր ինձ այն ժամանակ, երբ ես սկսայ  
 ճանապարհորդել հեռու աշխարհներ, ծո-  
 վեր ու անապատներ անցնիլ, լռիկ ու  
 մեկուսի գիւղերի, կամ մեծ քաղաքների  
 մօտով եւ գնում էի ճանապարհին ամե-  
 նայն ինչ, որ դուր էր գալիս ինձ ու  
 ձգում լայնարձակ տոպրակիս մէջ: Եւ  
 յիրաւի տոպրակս կարծես ինքն իրան  
 լցվում էր: Զքնաղ, գոյն զգոյն թուչնիկ-  
 ներ, քնքոյշ զմայլեցուցիչ ծաղիկներ կար-  
 ծես իրանք իրանց թըռչում, թափվում:  
 էին նորա մէջ . . .

Նակայն անցաւ առաջին եռանդս . . .  
 Երբեմն երբեմն տիրում էր ինձ մի տե-  
 սակ տխմար անտարբերութիւն եւ այդ-  
 պիսի բոպէներում ես անվրդով, լուռ ու  
 մունջ անցնում էի ամենագեղեցիկ առար-  
 կաների մօտից, ուշք չդարձնելով նոցա  
 վերայ:

«Միւս անգամ էլ կը հանդիպի նոյնը»  
 մտածում էի ես. բայց այդ դիպուած-  
 ներից եւ ո՛չ մինը չէր կրկնվում այլ եւս,  
 ինչպէս որ չէ վերագառնում անցկացած  
 ժամանակը: Այժմ շատ անգամ ողբում  
 եմ այն կորուսած թանկագին բոպէներս:

Բայց ինչպէս հեշտ էր ինձ այն ժա-  
 մանակ քաղել կապոյտ դիւթական ծա-  
 ղիկը: Նա այնպէս նազելով լողում էր  
 վճիղ ծովակի երեսին: Ոչ մի արաբական  
 բոյս չքեղութեամբ չէր կարող հաւատա-  
 բուիլ բնութեան այս աննման բերքի հետ-  
 անի, ի՞նչ սքանչելի էին նորա ոսկեգոյն  
 առէչները, նորա գոհարափայլ ցօղունը:

նորա շափիւղեայ պսակը . . . իսկ նորա  
 դմրուխտեայ տերեւների մեղմիկ սօսա-  
 փիւնը,—միթէ կարելի՞ է համեմատել մի  
 որ եւ է երաժշտութեան հետ . . .

Այժմ արդէն չորացել է այն անուշիկ  
 ծաղիկն եւ միայն նորա մնացորդներն  
 են ընկած ծովակի աւազոտ յատակի  
 վերայ:

Ես կարող էի գնել հռչակաւոր «լու-  
 սալեառն» (քիւհինուր) կոչուած աղա-  
 մանգը, որի մօտ իմ բոլոր լաւագոյն  
 գոհարներն անպէտք քարեր են: Ես կա-  
 րող էի ձեռք բերել մի ամբողջ թագա-  
 ւորութիւն,—այնտեղ, ձիւնապատ լեռ-  
 ների միւս կողմը, ուր կային պալատներ  
 ու այգիներ, բնակաւէտ աշխարհներ ու  
 ժողովրդներ, ձիանք ու ձիաւորներ, մար-  
 գագետիներ ու քաղաքներ:

Վերջին ժամանակներումս ես շատ ան-  
 գամ փորձեցի այնտեղ վերադառնալ,  
 բայց արդէն ուշ էր. ձեան հիւսերը կա-

լել էին ճանապարհը: Ես շատ ցաւեցայ,  
 շատ գիշերներ անցկայրի անքուն, բայց  
 այդ տեղ դառնալու անցք չգտայ ու  
 չգտայ:

Այժմ ես շատանում եմ ունեցածովս-  
 բայց այն էլ պէտք է ասել, որ փառք  
 Աստուծոյ աշխարհը դեռ շատ մեծ է,  
 ես էլ դեռ այնքան ծեր չեմ. անշուշտ  
 կարող եմ էլի իրեր ժողովել, մանաւանդ  
 որ սրտումս դեռ չէ մարել աւելի հաւա-  
 քելու ցանկութիւնը:

— Այս օր երբ ես մտայ պայծառա-  
 փայլութեան քաղաքը գոհութիւն մատու-  
 ցի տիեզերքի Արարչին, ըստ սրում Նա  
 մարդուն ընդունակ է արել ոչխարի կեղ-  
 տոտ բուրգը այնպիսի բան դարձնել,  
 ինչպէս օրինակ, այս գեղեցիկ գորգը,  
 որի վերայ նստած ենք ես ու դու. գո-  
 հանալ, որ Նա աճեցրել է ծովի աւազոտ  
 ափում այս ձկուն եղեգն, որ այժմ տա-  
 նում ես շրթունքիդ. որ Նա թագցրել-

1678.

է երկրի ծոցում ոսկի եւ ծովի կո-  
հակների մէջ թանկագին մարգարիտ-  
ներ . . .

— Ես յափշտակուած ու տաքացած  
առնում էի ուշքս գրաւող առարկաները,  
երբ դու քաղցրաշնորհ հայեացքդ դար-  
ձրիր ինձ վերայ. դիմելով ինձ քո ողոր-  
մած խօսքերով դու հասցըրիր ինձ այն  
բանը՝ որ ես չէի կարող գնել երբէք ոչ  
մի գրամով:—այն է՝ քեզ հետ խօսելու  
պատիւն ու երջանկութիւնը:

— Հիանալի խօսեցար, իմ բարեկամ:—  
գոչեց ամիրապետը զմայլուած. իսկոյն  
երեւում է՝ որ դու շատ ես ճանապարհ-  
հորդել եւ լաւ մարդկանց մօտ գտնուել:  
Ի դէպ՝ Ահմէդ, պատմիր ինձ. անկաս-  
կած քեզ քաջ յայտնի է՝ որ մարգա-  
րէն:—գովեալ լինի նա:—արգելել է մեզ  
նկարել մարգու որ եւ է տեսակ պատկեր,  
որ պատկեր է եւ նմանութիւն Աստու-  
ծոյ: Այդ ի՞նչ անհաւատ շուն կարողացել

է նկարել ինձ այնպէս շուտ, որ ես ո-  
չինչ չեմ էլ իմացել:

— Այնտեղ, ֆրանգիստանում, այս-  
պէս բաներում շատ վարպետ են, պա-  
տասխանեց Ահմէդը:

«Ճմարիտ է՝ ճմարիտ, մտայոյզ դէմ-  
քով արտասանեց ամիրապետը՝ բայց ցան-  
կալի էր ինձ տեսնել իմ պատկերը:

— Համեցէք, ես քեզ ցոյց կը տամ  
այն, ասաց Ահմէդը, եւ ձեռքը կոխեց  
տուրակի մէջ. երկար պտըտեց, բայց  
պատկերը չգտաւ:

«Հը՛ ի՞նչ է՝ ձայն արձակեց ամիրա-  
պետը սկսելով սրտմտիլ:—Մի գուցէ  
զղջացար խոստմանդ համար. կամ թէ . . .»

— Գտա՛յ, ընդհատեց Ահմէդն, պզա-  
տաբար շքնչելով: Ամիրապետըն տե՛սաւ  
հետաքրքրութեամբ քննել իրան տուած  
արծաթազօծ թերթը:

«Այս ե՛ւ ես եմ, ե՛ւ ես չեմ, ասաց  
նա շարժելով գլուխը. — ահա՛ իմ ֆէսը



կարմիր ծոպերով: ահա՛ ասղնեգործն իմ  
 շորերի վերայ: Բայց մի՞թէ ես իրօք այս-  
 պէս կատաղի եմ. եւ ո՞ւր է իմ այտերի  
 թուխ գոյնը, աչքերիս փայլը, ո՞ւր է  
 դէմքիս զուարթութիւնը . . .

Եւ, ի՛նչ եմ տեսնում, տես ինչպիսի  
 խոր կընձիւռներ են . . . իմ ոտքը բո-  
 լորովին բաժանուած է իրանից: Ուրեմն  
 սուտ ես խօսում, թէ իբր բոլոր առար-  
 կաները տոպրակիդ մէջ պահուած են  
 անվնաս, եւ թէ մի բոպէում կարող ես  
 գտնել նոցանից ամեն միւր: Վարելի է  
 նոցանից մի քանիսը բոլորովին կորած  
 էլ լինին . . . աւելացրեց ամիրապետը  
 ծագրագին:

Ահմէդը կարմրեցաւ:

— Ես մի աղքատ մարդու որդի եմ, —  
 ասաց նա դուրդոջուն ձայնով, — բայց դեռ  
 մանկութեանս ժամանակ ես սովորել եմ  
 երկու բան. — սուր բանեցնել եւ ուղիղ  
 խօսել: Ներքի ինձ, պայծառափայլ տէր,

եթէ յակամայիցս վշտացրի քեզ: Ման-  
 կութեանս յիշատակներով յափշտակուած՝  
 ես չեմ նկատել, որ «բոլոր առարկաները»,  
 «ամեն մի առարկայ» ասելով՝ չափազան-  
 ցութիւն եմ արել. ես պարտաւոր էի  
 ասել. «առարկաների մեծ մասը», եւ այն  
 ժամանակ սխալեցրած չէի լինիլ քեզ:

Արդարեւ, իմ տոպրակում գտնուած  
 առարկաներից շատերը կորել են, բայց  
 մեզաւորն ինքս ես եմ: Պատանեկու-  
 թեանս ժամանակ ես այնքան շատ իրեր  
 էի գնում եւ դարսում էի այնպէս արագ,  
 եւ անհամբերութեամբ, որ շատ անգամ  
 հէնց այն ժամանակ, երբ բաղմաթիւ նոր  
 առարկաներ առնում ածում էի տոպ-  
 րակիս մէջ, հիները, որոնց վերայ ես այն  
 ժամանակ ուշք չէի դարձնում, դուրս  
 էին թափւում, կամ տակը մնալով ճմլը-  
 վում, կտորտւում էին: Ամենամեծ կո-  
 բուստ ու վիշտ ինձ վիճակուած էր կրել  
 ծրանգստանում:

Անտարակոյս քեզ քաջ յայտնի է, որ այն-  
տեղի վաճառականները մերոնց պէս չեն:  
Նոքա մերոնց պէս լուռ ու մոռնջ չեն  
նրստում գորգերի վերայ, չեն թողնում  
գնողին երկար նայելու ապրանքին եւ  
մանրամասն քննելու նորա արժանաւորու-  
թիւնը եւ բերան բանում ինչպէս մերոնք,  
միայն նորա համար, որ ապրանքի գինն  
ասեն: Այլ ե՛ւ գիտես որ մեր վաճառա-  
կանները երկար չեն խօսիլ գնի համար,  
եւ եթէ գնողն երկար խօսակցութիւնից  
յետոյ հեռանայ առանց որ եւ է բան  
գնելու, նոքա չեն էլ շարժիլ տեղներից  
եւ մինչեւ անգամ գէմքի վերայ ոչինչ  
փոփոխութիւն չի երեւալ: Իսկ Ֆրանգս-  
տանում այնպէս չէ. այնտեղ վաճառա-  
կանը գոյում է իւր ապրանքը շատ ան-  
ամօթ ձեւերով, եւ զարմանքն այն է,  
որ ինչքան վատ է ապրանքն, այնքան  
աւելի կ'սկսի գովաբանել: Եւ ինչ հնար-  
ներ ասես, որ գործ չգնեն գնորդներ որ-

տալու եւ խաբելու համար. նոքա տեղա-  
կան լրագիրների մէջ յայտարարութիւն-  
ներ են տպում, իբր թէ ստացել են նոր  
ապրանք, (որ ստացած չեն լինում) եւ  
իբր թէ ծախում են առաջուան ապ-  
րանքները սովորականից աւելի արժան,  
եւ այլն . . .

Այն տեղի փողոցներով անցկենալիս՝  
հազարաւոր յայտարարութիւններ կը տան  
քեզ: Իսկ մի քանի վաճառատեղիներում  
վաճառականները կանգնեցնում են ան-  
ցորդներին, եւ նոցա ձեռքն ընկար թէ  
չէ՛ էլ բաց չեն թողնիլ, մինչեւ որ մի  
բան չգնես նոցանից:

Այսպիսի հնարքներով ինձ ստիպում  
էին բոլորովին անպէտք եւ չնչին առար-  
կաներ գնել, եւ ես ուրախութեամբ տա-  
լիս էի նոցա մեծ քանակութեամբ փող,  
որպէս զի շուտով աղատուիմ այն ան-  
տանելի մարդկանց ձեռքից. բայց այն  
բոլոր ապրանքները ես դնում էի սոպ-

րակիս եւ վերարկուիս մէջ տեղն, այնպէս, որ ամենափոքր շարժմանս ժամանակ նոքա կը թափուէին իրանց արժանաւոր տեղը—ցեխի մէջ. եւ իհարկ է ես երբէք կանգ չէի առնում վերցնելու նոցա:

Ա՛խ, երանի՜ թէ տոպրակիս մէջ գլտնուած իրերից մինը կարողացած լինէի ձգել ծովի ամենախոր անդունդի մէջ: Բայց ո՛չ, ես հարկադրուած եմ կրել նորան մինչեւ կեանքիս վերջը:

— Ինչո՞ւ մասին է խօսքդ, իմ բարեկամ Ահմէդ, հարցրեց ամիրապետը յուզուած ձայնով. միթէ քո տոպրակում կա՞ն որ եւ իցէ վատ իրեր եւս:

— Կան: Զորօրինակ, այնտեղ ես ունիմ մի քար, որ ես մէկ անգամ խփեցի մի անբաղդ շան, ասաց Ահմէդը դառնութեամբ: Խղճուկը հալումնաչ էր եղած, հազիւ էր կանգնում ոտքի վերայ, իմ հարուածը կտորեց նորա ոտքը. նա վայր ընկաւ, նայեց երեսիս եւ—մեռաւ . . .

Բացի սորանից,—շարունակեց Ահմէդն,— տոպրակիս մէջ է եւ մի դաշոյն, արատաւորուած ամենաթանկագին բարեկամիս արիւնով: Փառք Աստուծոյ, որ մահաբեր չեղաւ հարուածս . . .

Այս բոլորին փողոցում գտնուած ամբօխի մէջ իրարանցումն ընկաւ. մարդիկ յետ յետ ցրուեցան եւ հրապարակի ծայրում երեւեցան երկու ձիաւոր նստած հրաշալի արաբական ձիերի վերայ. նոցա յետեւից գալիս էր մի ոսկեղօծ քառաձի կառք: Տեսնելով այս, Ահմէդը մոռացաւ իւր վիշտը եւ տեղիցը վեր թռաւ:

Անակնթարթ նայելով մօտեցող եկաւորներին եւ տեսնելով որ ամիրապետը նոյնպէս ոտքի ելաւ՝ նա առաւ գորգն ու ծխաքարչը ձգեց տոպրակի մէջ եւ բացագանչեց.

— Արդեօք, ո՞ւմ կարող է պատկանիլ այս փառահեղ հարստութիւնը: Ա՛խ, ի՛նչ կը ցանկայի գնել այս: Ի՛նչ գեղե-



ցիկ է ծառաների ծիրանի հանդերձը՝  
ինչ յարմարում է նա լծուած մոխրա-  
գոյն ձիերի գոյնին: Ի՞նչ սիրուն են  
ձիաւորների գունատ երեսները իրանց  
մանիշակագոյն մետաքսեայ շորերի մէջ-  
ինչպէս շողշողում են նոցա սեւաթոյր  
ձիանքը: Ա՛խ, եթէ այս ամենը պատկա-  
նէր մի որ եւ է վաճառականի . . .

— Տարաբաղբարար, Ահմէդ, սոցա տէ-  
րը վաճառական չէ՞, ասաց ամիրապետը՝  
հանելով գրպանից արծաթեայ սուլիչն:

Հնչեցաւ մի սուր ձայն, եւ կառքը  
կանգնեցաւ այն աղբիւրակի մօտ, որտեղ  
նստել էին մեր խօսակիցները:

— Դու տուիր ինձ ամենագեղեցիկ  
պարգեւ, ս'ի Ահմէդ, ասաց ամիրապետը,  
եւ որ աւելի նշանաւոր է, դու քո պատ-  
մուտեամբ պատճառեցիր ինձ մեծ հա-  
ճութիւն: Վեր առ ուրեմն եւ դու ինձ-  
նից այն, որ այնպէս զմայլեցրեց քեզ,  
եւ այս օր իմ հիւրն եղիր. իսկ վաղը՝

կամ երբ կամենաս նստիւր այս կառքի մէջ եւ  
շարունակիր քո ճանապարհորդութիւնը:

Ահմէդը ձեռքերը դրաւ կուրծքի վե-  
րայ, խոնարհաբար գլուխ տուաւ եւ պա-  
տասխանեց.

— Քոյդ պայծառափայլութեան ողոր-  
մութիւնը նման է այն ցօղին, որ ծած-  
կում է ծարաւի երկիրը, եւ եթէ ես  
խոստացած չլինէի հիւանդ բարեկամիս  
այցելութեան երթալ այս երեկոյ, ուրա-  
խութեամբ կը գայի քո մօտ: Այժմ թոյլ  
տուր ինձ վեր առնել քո ընծան եւ մեկ-  
նիլ. միայն թէ այս վայելչագեղ ձիանքը  
եւ կառքը չպէտք է քաշքաշուին փոշե-  
լից ճանապարհներին:

Այս ասաց, եւ վերցրեց կառքը ձիան-  
ցով ու ծառաներով հանդերձ, ձիաւոր-  
ներն ու իրանց արաբական ձիանքը, բո-  
լորը դրեց տոպրակի մէջ, գլուխ տուաւ  
ամիրապետին եւ ուղղեւորուեցաւ դէպի  
քաղաքի դարպասը:

Ամերապետը երկար նայեց Ահմէգի յետքից եւ յետոյ մտայոյզ գնաց տուն: Նա կախեց իր դասեր վզից իրան ընծայուած մարգարիտները, կանչեց ատենագարին եւ ասաց.

— Վեր ան գրիչը եւ մի կտոր լաւագոյն մագաղաթ, գրիր ինչ որ կ'ասեմ: Եւ սկսաւ թելագրել նորան ինչ որ գիտէր «ԱՀՄԷԴԻ ՏՈՊՐԱԿԻ» մասին:



Անկասկած ընթերցողներին մեծ մասն արդէն հասկացաւ այս Արեւելեան զրոյցի միտքը:

Մի՛թէ մենք բոլորս էլ չպէ՞տք է զարմանայինք եթէ հանդիպէինք Ահմէգինբայց միեւնոյն ժամանակ մեզանից ամեն մինն ունի ճիշտ մի այնպիսի լայնարձակ տոպրակ, ինչպիսին եւ նա . . .

Այս տոպրակը մեր յիշողութիւնն է,

որ ս'չ մի ժամանակ չի լցվում: չնայելով որ մենք մանկութենից իվեր ածում ենք նորա մէջ այն ամենը, որ գրաւում էր մեր ուշադրութիւնը. եւ մեր քսակը— (հասկանալու ընդունելութիւնը)— երբէք չի դադարկվում:

Մենք մեր պարկում, ինչպէս եւ Ահմէգը, կարող ենք գտնել արագութեամբ մեր բարեկամի պատկերը, այն առասպելները, որ մեզ պատմել են երախայ ժամանակներն եւ ուրիշ հազար ու մի առարկաներ: Ամուսնացած, անձրեւային օրերը մենք կարող ենք տեսնել արեգակի ճառագայթներով լուսաւորուած անտառներն ու դաշտերը, ուր մենք երբեմն զբօսնում էինք: Երբ տխուր լինենք, կարող ենք ընտրել մեր տոպրակից մի որ եւ է քաղցր յիշատակով զուգորդուած մխիթարական բան:

Մեր տրամութիւնը կը փարատուի այն անմոռանալի երգով, որ լսել ենք մանկութեան ժամանակ:

Մեր այս գանձն ո՛չ որ չի կարող մեզանից խլել, եթէ մենք ինքներս չձգենք նորան մոռացութեան անդունդը: Սորանից յետոյ զարմանալի չի լինիլ, եթէ որ այդպիսի մի երեւելի բարեկամի, որ տալիս է մեզ այնքան բարիք ու բազմաւորութիւն, արժանաւորութիւնը չըհասկանանք:

Ի՛նչպէս յաճախ եւ ի՛նչպէս անլրդով ասում են մարդիկ. «Իմ յիշողութիւնս թոյլ է», կարծես թէ այս մի ոչինչ բան է:

Ընթերցողներ, կրկնում եմ ձեզ Ահմէդի խօսքերը. տոպրակը մեծ է եւ դիմացկան, իսկ քսակն անսպառելի: Ահմէդըն ասում է, որ դուք այժմն ապրում էք այն երջանիկ հասակի մէջ, երբ ամենայն ինչ երեւում է ձեզ ոսկեայ գոյներով: Գնացէ՛ք ուրեմն համարձակ աշխարհային տօնալիւսաւանդը. ձեռք բերէ՛ք այն բուլորն, ինչ որ ձեզ ախորժելի կը թուի եւ ինչ որ բարի մարդիկ խորհուրդ կը տան

ձեզ ձեռք բերել: Գնելու համար ձեզ միջոց չի պակասիլ:

Անկասկած, ձեր ուսուցիչները չեն վարուիլ ձեզ հետ Ֆրանգոստանի վաճառականների նման: Հետեւեցէ՛ք Ահմէդի օրինակին եւ հեռացէ՛ք նորա սխալմունքներից:

Եթէ ուշադրութեամբ դուք կարդացիք մի լաւ գիրք՝ ուրեմն քաղեցիք հրաշալի անուշահոտ գիւթական կապոյտ ծաղիկը, որ երբէք չի թառամիլ:

Եթէ սովորեցաք մի նոր պատմութիւն՝ ուրեմն ձեռք բերիք թանկագին ադամանդը:

Ուսաք դուք մի օտար լեզու՝ ուրեմն տիրեցիք մի ամբողջ թագաւորութեան:

Բայց զգոյշ կացէ՛ք բարբրից, դաշոյններից, (դուք անշուշտ հասկացաք Ահմէդի խօսքերը). այս առարկաները, — վատ գործերի յիշատակները, — կը ծանրաբեռնեն ձեր տոպրակը եւ բեռնի ծանրու-

Թիւնից դուք չէք կարողանալ այս գե-  
ղեցիկ երկրում արած ճանապարհորդու-  
թեան պտուղները վայելել:



---

Ծախվում է յոգուտ Աղէքսանդրապօլու  
Վիճակային—Հագեւոր դպրոցի «Աշակեր-  
տական գրադարանին»:

---

Քինն է 10 կօպ.

ՀՀ Ազգային գրադարան



NL0242269

